

Pelajar NUS anjur program tingkat kesedaran kerjaya penjagaan kesihatan

SEBUAH program meningkatkan kesedaran di kalangan pelajar mengenai kerjaya dalam penjagaan kesihatan akan diadakan pada 7 Januari ini.

Para pelajar Perubatan daripada Universiti Nasional Singapura (NUS) bakal berkongsi pengalaman dengan pelajar yang berminat dalam satu kerjasama antara mahasiswa fakulti penjagaan kesihatan – kejururawatan, perubatan, pergigian, farmasi dan penjaga kesihatan bersekutu.


Ia merupakan Pogram Pendekatan Penjagaan Kesihatan (MHOP) menerusi Program Pendedahan Kerjaya Dunia Kesihatan Anjuran Cabang Siswa dan Jawatankuasa Pendidikan Persatuan Karyawan Penjagaan Kesihatan Muslim (MHPA).

MHOP 2017 bertujuan meningkatkan kesedaran di kalangan pelajar mengenai kerjaya dalam penjagaan kesihatan.

Para peserta yang mengambil bahagian dalam program ini boleh meyertai sesi soal jawab bersama mahasiswa jurusan karyawan kesihatan, dan para karyawan penjagaan kesihatan yang meluangkan masa secara sukarela bagi program ini.

Program itu adalah satu pendedahan yang baik kepada pelajar yang berminat di bidang penjagaan kesihatan.

Mereka yang mengambil bahagian akan dapat menyelami dunia penjagaan kesihatan dengan mencuba kegiatan



PENGANJUR

ACARA: (Dari kiri) Encik Ejaz Latiff, Cik Amalina Ridzuan, Encik Farhan Khalid, Cik Nur Raudhatul, Encik Muhd Mirza, Cik Izza Elyana dan Encik Yusof Najim. – Foto MHOP

hands-on yang berkaitan dengan jurusan penjagaan kesihatan yang berbeza.

Para peserta akan diberi nasihat bagaimana ‘merentasi’ jurusan pilihan mereka seperti perubatan.

Program yang terbuka kepada pelajar politeknik, prauniversiti seperti maktab rendah, diploma International Baccalaureate (IB) dan madrasah itu juga bakal mengadakan sesi ‘kerja sambil belajar’ dengan doktor MHPA.

Pelajar menengah tiga atau yang bakal menduduki peperiksaan GCE ‘O’ juga boleh mengikut program ini.

Pendaftaran adalah percuma tetapi tempat terhad.

Program ini akan diadakan di fakulti perubatan NUS MD11 CRC Auditorium dari 8.30 pagi hingga 2.30 petang pada 7 Januari.

Mereka yang berminat boleh mendaftar di link <http://tinyurl.com/MHOP2017> ataupun menghantar e-mel kepada healthcareoutreach2016@gmail.com.

Bagi mendapatkan maklumat lanjut, mereka boleh melayari laman facebook di www.facebook.com/mymno.

► Laporan oleh Izza Elyana, pelajar perubatan tahun dua Sekolah Perubatan Yong Loo Lin NUS.